


LIBRARY

m

... cum  
re, & Corpus  
ms, cum  
Eva p. n. Eoib.  
In Ep. Eoib.  
om. Eoib.  
... sequ  
...  
com.

27 Sabb



~~Handwritten scribbles and crossed-out text~~

10 / 150 / 150

50  
50

Erstgenanntes  
und nicht fort  
zusetzen

G. XVII. 23



Faint, illegible markings or ghosting of text, possibly bleed-through from the reverse side of the page.

Faint, illegible markings or ghosting of text, possibly bleed-through from the reverse side of the page.

# A Q V I L A

## I O A N N E L L I A N A

Gentilitio PALOCZAYANI Sanguinis

ASSOCIATA GRYPHO:

ET AD FESTA NUPTIALIA,

*ILLVSTRISSIMI DOMINI,*

### I O S E P H I A N D R E Æ

### J O A N N E L L I,

LIBERI BARONIS, IN ARCE DUNAWETZ,  
ET ZYPPOW, &c. DOMINI.



*LECTISSIMÆ VIRGINIS AC SPONSÆ,*

### ELISABETHÆ PALOCZAY

*Illustrissimæ Dominae Comitissæ*

### I V D I T H Æ K A R O L Y

(*Illm̄i olim D. STEPHANI PALOCZAY*

*Liberi Baronis, Inclyti Regni Hungariæ Magnatis,*

*Sac: Cæsareæ, Regiæq; Majestatis Dapiferi,)*

*Relictæ Viduæ*

*Dilectissimæ Filia,*

EPITHALAMICA PANEGYRI

*A*

M. ANDREA STANISLAO BUCHOWSKI,

*In Alma Vniuersitate Cracouien̄, Philosophiæ Doctore & Professore,*

## C E L E B R A T A.

Anno Salutis, 1685.

---

CRACOVIAE, TYPIS UNIVERSITATIS.

IN GENTILITIA  
ILLUSTRISSIMORUM NEOSPONSORUM  
STEMMATA.



*A LIGER expansis sursum volat athera pennis  
Iasonis atq; fretum NAVIS amica secat.  
Quo geminae VOLVRES? servantur Vellera Colchis:  
Et Iouis armipotens astra Minister habet:  
Aurea sed GRYPHI praesentat fama Coronam  
Aliger hanc SPONSI querit & optat amor.*

# ILLVSTRIS SIM E DNE BARO AC SPONSE.



D Epithalamicos plausus Tuos, venit etiam A QVILA virtutum & Profapiæ Tuæ interpres, non quidem è collibus, & alienis fastigiis deducta, sed ex domestico gloriæ Tuæ culmine; quod meritis & fama Antecessorum Tuorū est sublime. Grande illi monumentum es, ex generosa Tua Indole, quam magno naturæ instinctu loqueris, ad Nominis Tui commendationem; tunc tamen maximum Te ostendis: quando inter hæc gaudiorum Tuorum testimonia, alibi etiam pennatam famam prærequiris. Habet eandem amplitudo magni Sanguinis Tui, tantæ Profapiæ associata, in amplissimis meritis, habet & in Gentilitijs Alitibus auspiciacissimam: quid reliquum est, tantam Vinculi huius panegyrim, quis meliùs vnquam orbi loqui poterit; quàm Tuus magnæ gloriæ auspex Ales. Permittes tamen & meum calamum, quem in animi Tui censum & studij obsequium vectigalem habes, in Tuam ire venerationem; illudq; poste-

ræ memoriæ notare, quod, Alitem Tuum locutum audiuit. Etsi alta Tua fastigia, in quibus AQVILAM Gentilitiam & GRYPHVM PALOCZAYANI Sanguinis, plaudentibus tot animorū votis collocasti, si summam Sanguinis Tui prærogatiuam in excelso maiorum Tuorum apice positā non satis edixero: sit fauor Tuæ solitæ gratiæ in reliquum gloriæ emolumentum, sit & in operis coronidem, quam à Cordis Tui corona Sponsa nimirum Illustrissima, habes coronatam. Meum autem vt voto- rū, sic & proni animi testimoniū in supplementum laboris, ita sinceri pectoris & obsequiorum testatur candorem; vt connubiū hoc, quod nexu tanti Sanguinis iniuisti, cedat Tibi in rem prosperam, vitæ successum felicissimum & famam omni seculo duraturam, quam cum perenni Nominis Tui gloria ex his etiā Gentilitijs ILLVSTRIS- SIMARVM Parentum superstitem, IVDI- THÆ, celsissimo NISO, CATHARINÆ, prosperrimis ANCHORIS habes auspicatam. Ita à Supremo cœli Numine precatur.

ILLVSTRISSIMÆ DOMINATIONI TVÆ,

*Obsequentissimus seruus,*

M. ANDREAS STANISLAVS BUCHOWSKI,

Philosophiæ Doctor & Professor.



# AQUILA IOANNELLIANA Gentilitio PALOCZAYANI Sanguinis ASSOCIATA GRYPHO.



Enari mentes generosas, & indolem humanam, in stabilem magnificæ conditionis vsum vocare, magna, cum sæpe laboris ardui sollicitudo sit; solennibus autem præfagijs inuestigata, semper gaudiorum Portio est & habetur. Experimentum hoc solenne, & præclara, consuetudinis huius obseruatio, ultra omnem, campi nemorumq; exporrectam iucunditatem, quamuis maxima studij rigorosi aliquando incitamenta, & quidquid sollicitudinis habet, aliquoties per plurima, errantium voluntatum stadia, per densos & fallaces Libertatis circuitus, proponat: exhilarat tamen inuestigantem Patriæ curâ, atq; iubet & mandat non nisi captu animorû esse gaudendû. Prædam talem, Patriæ utilissimâ, & incõparabiles boni publici fructus, Magnorû scilicet animos, quis non in exuberantem læticiam, in plenum, gaudijs vultum cuperet ad delectationem? quibus ad gloriam & ætatum sæcula, solæ nutriuntur Virtutes, constantes & augustæ Rerumpublicarum prærogatiuæ, plurimæ statuum Magnificentia, seruantur augenturq; ad perennitatem. Hæc tamen decora, capere & habere in commune Patriæ bonum, quoties etiam ab antiquo rerum progressu, Nobilis, magnorum Virorum propago, emolumento probauit, quoties amplissima etiam quaq; versus spatia circumire & stringere successibus incepit; cœpit spectatissima; quando generosis mentibus socium animorum nexum persuasit. Magnum quippe est, trahi vnitatis mentibus, iuncto robore teneri, & amicitia vinculis vinciri: ita vt etiã fortissima Herculis opinio contra vnitos fallatur, nec contra Gordios nodos, plures Alexandri habeantur. Vnde etenim est?

B

quod

quod lætioribus impulsu præfagijs, læta circumspiciant alij? frontibus demissis, trista meditentur alij: nisi quod socias spes animorum, hos erigat in gaudia, illos deprimat in tristem animi rigorē. Exhilarata ex vnitis Ciuium animis, aurea illa Regnorum Maestas Hungaria, & à tanto annorum spatio, ab hostibus deprædata, iterum se se, triumphalibus Laureis ornat; quod generosas mentes, felicissimo prosperitatis successu excitatas habeat ad vnanimitatem: Nimirum, quantum antea doluit ex aurei Regni turpissima facie; tantum nunc lætatur ex eius speciosissimis triumphis: cum & ex vinculis animorum ad summam famam deductis, perennitatis custos gloria quæri debeat, & tot magnanimorum conatum vnanimi nexu ad copulam ligari. Crescunt proinde AQUILÆ, & ad summa virtutum fastigia euolant, Alites magnarum Alarum non tantum aucupantur amoribus; at etiã ad celsissimos quoq; volatus, trahunt & animant, vt Patriæ in Prædã gloriosam congregentur. Quanta vis & læticiæ magnitudo! ab Auiibus ipsis habere dulcissimos effectus! sine solitudine, ea habere quæ delectent & ornent! vltro in emolumentum gloriæ, Aues habere felicissimas! Pulchrum Patriæ delectamentum est, & sublime præfagium! Euolant siquidem AQUILÆ, & ad pulcherrima rerum fastigia procedunt, ne decedant; crescunt vt nõ decrescant: at naturali edoctæ impulsu illuc feruntur; vbi socias maximæ eminentiæ Volueres habere possunt, altumq; cupiunt, vt ab altiori culmine, quæ deceant acutiùs cernant. Intendit hoc & facit Magnus Tuus animus, præstantissimis Maiorum meritis insignitus, & propria Virtute Tua Magnificus ILLUSTRISSE Sponse, quando excellentes animi Tui dotes, & optimam indolis generosæ prærogatiuam, in socium celsissimarum virtutum vocasti vinculũ, quando & Gentilitiam AQUILAM Tuam, summã dexteritate agendi perniciosissimam, Laudatissimo tot Heroum GRYPHO associasti. Tanta Sanguinis & meritorum Vnio, quàm & quantam gaudiorum portionem Patriæ ferat? supra omnem dicendi facultatem positum est; quantum & quàm excellens vnito Nomini auspiciũ, (quod è Binarum Alitum æstimatione oritur) bono publico felicissimè ominetur? nemo tam disertus Arpinas est, qui id summã eloquentiã assequi posset; quantam, deniq; populari auræ, læticiæ occasio-

casione[m] attulerit; Omnis penes Te & virtutem Tuam opinio, & omne penes Gentilitia Tua decora augurium est. Danda proinde felicitatis huius æstimationi, Gloria hæc, vt se ad sæcula extendat, & gratias iucundissimas in ætatis cursum vocet, quibus tantorum Sponsorum gloriosa coniunctio, nihil aliud preferre videtur; nisi vt in amorem Patriæ & boni publici Decus, Tanto Sanguinis Vinculo consentiat, & publicæ læticiæ gaudia ferat coronata. Gloria thalami huius eat in clyto Regno, etiam inter novos successuum applausus, sequentis æui intelligentiæ reuelata, præsentis, communicatione gaudij, & cum augmento meritorum crescat in Patriæ emolumentum quod vltiori, tantæ Sobolis felicitati, ab his solennibus Epithalamicis gaudijs ceptæ, sub Gentilitijs mihi liceat Ausibus auspicari.

Principes alitū, & Duces Aquilæ, eminentis Naturæ incitata stimulis, generosis enutritæ ausibus, cum vilissimo volucrum numero pro decore habent conuersari & iisdē associari. Pudet sæpe feroces has cum imbelli columba fœdera inire, quæ vt indole posterior & ab Aquilarū generosissimo impulsu longè remota est; ita dignitatē illi summam facile concedit, cuius in certamen nunquam descendere audet. Custos Ales ille Iouialium fulminum, & supremæ potestatis Antesignanus, an Majestatem suam, cum Ausibus Dæ Idaliæ collocabit? an excellentiam famæ, Avium bellatrix A QVILA spectata hætenus semper in sublimi culmine, linquet noctuis? quæ, dum cessit in augusta imperiorum fastigia, & in tot sublimia Regnorum, Prouinciarumq; decora, siue commendatione aucta ad celsitudinem, siue pretio adorata ad æstimationem; omnium semper ora animosq; attonitos habere credebatur. Vidimus, & audiui[m]us, victricibus signis, ad sydera vsq; euehi Aquilas, laurusq; triumphales, in perennaturam gloriam gestantes; quando vel fortissimis vnitæ Leonibus, vel bellicosissimis associatæ Alitibus, non semel superba Othomanicæ Lunæ cornua, pugnacissimâ virtute contriuerunt, belluasq; Byzantinas ad Propontidis vndas vt mergerentur, pepulerunt. Audiui[m]us pulsantes æthera pennis sociatas Aquilas, ad augustissimas Austriæ rippas, contra multiplicem Orientalem Hydram ( cui si hætenus caput Prouinciæ Martius amputauerat ensis, nouæ Regiones, Bellonæ partu accreuerunt )

assurrexisse, ab iisdēq; generosissimis vnguibus, laceratam Bestiam, in æiternum ludibriorum & pudoris sui compulsam antrum, ad interitum perterrefactam, semper quid Aquilæ valeant, agnouisse. Augusta Bicollis Sac: Rom. Imperij, Orientis terror, Occidentis Maiestas, Orbis Christiani gloria, tot barbararum gentium infensas & oblatrantes turmas gloriosissimo robore profligauit; quot victorijs & triumphis semper augustiores Pennas erigens, Imperatoriæ Maiestati, vt supplices fierent, maleuolorum ceruices fortiter inclinauit. Polona AQVILA etiam ad seueriorem hostium cladem pugnacissima, triumphans semper, triumphata nunquam, candida inter Martios pulueres, quot pullos in Christianitatis defensionem Marte nutriuit; tot gloriæ, ære quolibet perenniora trophea, ab Orbe habet sibi decreta. Quid aliæ Prouinciarum familiarūq; pernicissimæ Aquilæ! quæ dum perpicacissimis oculis, Solem, publici honoris limpidissimum intuentur; alios ad summa decora euocant, alios ad Pontificias Tiaras, Senatorum subtellica, Heroum clauas, enutriunt educanque. Par tantæ Aliti, ex nominis commendatione, celebre illud ferarū Miraculū, GRYPHVS; non tantum pro Rostris; at etiam pro summis Rerumpublicarum agendis causis, rostra habens; alas ad velocissima, rerum agendarum negotiâ gestans, nunquam sine gloria commendatione esse potuit: quia semper plurimarum gentium vires, in lugubrem terrorem permutatas, lætissimam sui nominis habuit panegyrim. Nam vt magnam opinionis præstantiam, in maximos huculq; ausus præsentat; ita gloriæ quoque sublimes apices transuolat vt suas vices ad alta quoq; molimina magno naturæ instinctu efferat. Huic tantæ Stemmatū Vnioni, alternus animus vester, an paritatem quæsiuerit? an fortuna inuenerit? habetis quid meditemini, tantis Insigniti Aibus SPONSI ILLVSTRISSIMI. Si enim excellens ille Vester conatus, eum rei successum postulauit; quem omnium vota, suis desideriorum suspirijs mouebant ad felicitatis iter, quod iam progredi incepistis; digna hæc gaudijs & magnifica, optimi statûs conditione progressio est; nimirum, vt ad alta nati animi, altis nutriantur cogitationibus, & magnorum virorum excellentia, generosis associetur mentibus: Si fortunæ fauor alterutros Vos, in tales duxit Gratias? quas Nexu hoc celebrato veluti Heliconis deli-

cio circumsepti habetis ? magnorum hæc prærogatiua est, utpote  
virtuosissimis Viris, vñitata Sors, quam maxima *fata secundant,*

*Et virtus rara est quam non fortuna gubernat.*

Sic ab vtrinq; Magni æstimati, plus tamen à Virtutibus Vestris excellentissimi facti estis ; quod tantum & tam illustre, mutui amoris elegeritis consortium, illud Profapiæ & magni Sanguinis admaueritis vinculum, eam inuieritis meritorum & nominis societatem ; quæ, cum ex ipsa sui dignitate laudatissima sit : prouocat tamen multorum animos & ingenia, in suam venerationem. Quid enim in virtutibus Vestris, aut Maiorum Vestrorum gloriosissime relictis testimonijs est ; quod non, vel ad boni publici gloriam audiatur, in certissimis hominum traditionibus ? vel nõ ad læculorum memoriam præsentetur in annalibus ? in quibus præclara Stemmata, veluti imagines quædam, Vestram à posteris adumbratam indolem præsentantes, non tantum à pictis Maiorum vultibus ; at etiam certissimis meritorum lineamentis legi videriq; possunt. Inde censentur longo sanguine, ad summa gloriæ fastigia, prouecti Magni Heroes, in Martio campo stabiles famâ, & inuicti Marcelli, in publicis Regni theatris, facundi Demosthenes, in maximis externorum negotiorum causis, dexterrimi Pompilij, domi, ad consilia circumspecti Iani, omnes deniq; pro Aris & focis Curtij, quorum omnem memoriam, ita in gestientium animorum lætitiâ & gratiam præsentatis ; vt Antecessorum Vestrorum ideam, in generosam stirpem & famam Vestram, transportatam hoc Vinculo, credamus & veneremur.

Tuæ inprimis Profapiæ & Nomini, cedunt adorea hæ, Magni Sanguinis Successor, virtutum meritis amplissime, SPONSE ILLVSTRISIME, quando viuam imaginem, gloriosam scilicet AQVILAM Antecessorum Tuorum, in natiuo Tuo animo præsentas, & magnum Tuum spiritum, in generosæ mentis effers spectaculum. Ab ausibus auspicari gratiosum fuit antiquitatis, etiam iis, quorum virtus, majorum beneficio, omnem spem felicitatis accepit ; etiam iis, quorum humilis animus solâ fucata hominum opinione despectus est : vtrisque licet fatorum cura fuit, primis tamen, omnis spes felicitatis, in vota cessit ; veneruntque fortunata incitamenta, tam animis quam votis in effectum.

effectum. Sic etenim est: dotes suas fortunæ, raro fata concedunt illis; quos virtus majorum, non promouit; fidunt dignioribus, qui publicis encomiorum suffragijs in publicum ditescunt. Conexus quippe Ordo successuum hic est; vt à magnis magna, benè properatis bona, benè ordinatis felicia succedant. Nimirum vt à semine bono largissimas sequi aristas vsitatum est, frugemque opimam à terræ fertilitate; sic suas enutriunt fata virtutes, præcedentes subsequuturas. Sequeris Magni Parentis genuina Proles, illius Achillis relicta Soboles, vnico hoc ductu, Tanti Patris fortunatissime; quia à tot mille votis, & fortunatis desideriis expectate. Portaris diuino quodam impetu ad summa quæque, atque à natiuo spiritu ad alta peragenda munera vocaris; vt merito Te aliquid, etiam naturæ, etiam origini debere profitearis; quum Te semper Magnum Virtus Tua probet; majorem omnium desideria videre exoptant. Nam à Magnis Parentibus vix lucem aspexisti, iam ad splendores Patriæ, veluti Aquilæ Pullus euocatus fuisti; vt lucem rerum, & rectè factorum claritatem, vnde veniat, perspiceres: vix auram spiritus & vitæ delictum perspexisti; iam immensum iter, quod gloria parat, Parentum passibus circumiisti, qualiter percurreres; vix sapere coepisti; iam imperterriti Patris, in Cæsarem constantiam, adamasti & recepisti; vt teneram ætatem Tuam, non molliter, verum inter graues sollicitudines, & periculosos vitæ turbines edoceres; *fatales rerum Casus, semper felicium temporum recordatione, feliciores esse.* Toties Patri dulcissimo nocturnis diurnisque; vigilijs, perspectâ vigilantiam adesse; accensum Martem per ferrum, & igneos pulueres luctari, aureæque; Tuæ indolis præstantiam probare, inter feroces, hostium ausus constanter cum Patre audere, raro quietis repagula querere, curis non nisi educari; vt virtutem Tuam prius à grauioribus instrueres ad grauiora, hic labor hoc opus fuit. Fremebat non semel Inuidia, boni comes, vt virtutem ad magna natam roderet, maleuolorumque; liuor, intra occultos passus compressum subtraxit vultum; vt innocentes Patriæ animos exanimaret: huic sed optimè armata fidelitas, fronsque; recti fortiter restitit vt indignabundo ausu falleretur, & cum toties seruatrice, ciuium in Patriam constantiam propulsus esset; auditum illud sapius, quod è col-

lium

lium veluti concauis antris Echo loquebatur; o si spem Tuam, & Patris virtutem fatali exitu perdere valerem? auderem. Ardor liuoris ille temerarius & perfidus, iam à tenera adhuc ætate & innocente vitæ stadio, pretium virtutis in Te augurabatur, flagrabatq; inuidiæ accensus ausibus iam Tui æstimationem perdere; quam interim quærere incepisti. Ita enim est, quoties labor & sollicitudo arduo passu, vias, quibus delectetur quærit: toties vagabundæ indignationis tædium, & impedimentum experitur, patiturq; sæpius fessos animos; quos virtus incitârat. Sicut solem ymbra, sic fortunam comitatur inuidia; vbi ignis, ibi fumus; vbi excubiæ, ibi hostis!. Serpebat malum hoc, cuiq; bono pessimum & execrandum, dum Calligulæ, Torquatos sine torquibus, Sempronij, sine gloria Marcos Attilios, Alexandri, sine bellandi peritia Lisimachos, Clodij sine magnanimitate Põpeios infestârüt; & adeo ad hâc vsq; ætatem, pestis hâc inualuit: vt omnes rerum, statuûmq; causas adhuc inficiat præter miseras. Euenit tamen toties, quod ad inuidiam, suos amplient stimulos, beatioribus euentibus, fortunati animi; sicut & ferrum, quod rubigine roditur, aliquando acrius & subtilius fit, aurum quod luto inculcatur, clarius splendet. **Experta rem gloria & amplitudo Fortunati Nominis ILLUSTRISSIMI olim Domini BARONIS SYLVESTRI IOANNELLI, Inclytæ Cameræ Scephusienfis Administratoris, Sac: Cæsareæ Regiæq; Maiestatis Consiliarij Patris Tui, inter ardua vitæ pericula & prosperos laborum pro Patria successus, etiam à Liuore adorata. Magnus hic Regni Ciuis, virtute & studio, Hæros animo & pectore, zelosissimus illius Censor pro *Aris & focis*, ab inuidia etiam creuit in famam & merita; vt nunquam decrescere posset; quibus posteritatem in recte factis, & acquisiuit, & præoccupauit. Primum illius studium & cura fuerat, inter continuas, hæretici erroris scintillas, ardere zelo, illoq; alios accendere; inter vitia, virtute certare, hâc Deo, tot rebelles animos & animas in manubias ferre & ligare; quot Somolnokini, fodinarum aris possessor inuenerat, & alibi intellexerat; ita vt nulla dies sine linea præteriret; quæ non bono aliquo effectu notaretur. Æs quippè fodit ille; sed auri pretium inuenit: cuius æstimatio fuit, succurrere egenis, alios, Patriæ conciues fortunâ laborantes ditare,**

tare, & animare in spem beatam, Ecclesias, Nosocomiaq; erigere & restaurare; Altaria, sacrâ supellectili ornare, Augustissimo Imperatori intemeratæ fidei constantiam testari; quæ omnia, tantum orbi valuerunt ad commendationem; ut æs in aurum, aurum in virtutem, quâ nihil carius est, mutatum, etiam invidia crederet. Sed impaccatus lior, nondum adhuc peccari potuit: quin se in vehementiorem animi æstum effunderet, & Rebellium Gradivum animaret; ut hæc, tanti Viri præstantissima virtus exanimaretur. Probavit insultus igneos, ad Arcem illius Dunawetz quinque Septimanarum spatio: sed agnovit Mars Diomedem; ex cuius animi magnitudine, didicit, constantes Patriæ Cives nec ignibus, nec Armis demoueri posse. Tanti Patris genuina Soboles, quia iisdem Virtutibus enutrite, SPONSE ILLVSTRISIME, si in Coronamentum laudis, & Patriæ spem nihil interim habeat Tua dignitas & Gloria, sufficiat mihi Tanti Achillis Pyrum verè Te genuinum Filium venerari. Et si credere debemus, magnos Natales, tribuere majores, ad virtutem impetus, magnumque esse, virtutum stimulum, Parentum virtutem.

*Scilicet est quedam vis rerum in semine certa,*

*Et referunt animos, singula quæq; Patrum.*

quanto & Tu incitamento traheris, in successuram & vltiorem gloriam! Ipse Tibi maximum es Spei publicæ documentum. Non satis Tibi fuit domi turbines & molestias, quid sint, noscere; at etiam quid sapiat Pax, erudiri. Durum jam noueras, reliquum fuerat, ut Regionum Terrarumq; illud delictum, Italiam nosceres; quatenus, nimirum in illo sanguinis Tui gloriosissimo medullio, impulsus vestigiis, Nativum spiritum, Majorum exemplis imbuendum circumferres. Sic è Patriæ naufragantibus fluctibus, in securissimum orbis Pontum nauigasti, bonis ductoribus, summæ laudis GEMELLIS, *Patriæ amore, & Sapientia desiderio*, illuc asportandus; ubi gloria Magnæ Profapiæ Tuæ, origine coronatur. Tenera illa Insignia, teneram ætatem Tuam in gratias duxerunt, ut quo ires, omnium amorem haberes; habito tamen vbiq; plus Tuum Patriæ, quam aliorum Tui amorem æstimasti, vel ideo; ut veluti Iasonis instinctu, Aureum Vellus,

Ante-



Antecessorum Tuorum merita, Natiuæ Patriæ in Tuo animo  
reportares & repræsentares. Prius tamen Palladis & Mineruæ  
Oracula didicisti, hæc liberis mentibus, illa liberis spiritibus æsti-  
manda, & cum vtrisque omnes alios antecellere cœpisti, ad al-  
tiora munera, grauioribus laboribus peragenda Tuum animum  
Fortuna euocauit. Hæc Duce, publicis actuum splendoribus a-  
desse, sæpius pergrauis in consiliis audire Catones, quid colle-  
cta Heroum Principum uè munera, pro Patria valeant, auscul-  
tari, Tuo animo vni & desiderio continuum habebas. Sed heu  
fatum! an Fortuna! dolor hucusq; in causa certauit; scilicet ta-  
lia cum ageres; egit & Libithina sed nefarios ausus suos, quibus  
Illustrissimum Parentem Tuum in summa gloria positum, obitu  
dolentissimo peremit: an, vt Te ab incepto animo, rerum agen-  
darum retraheret? an vt Tanti Patris iter ad gloriam, Tu nisi  
perficeres? Sors dubium proposuit; at Heroica intentio TUA,  
natio spiritu verè imperterritum Te probauit: quando felicibus  
ausibus, eò velocius NAVIGIVM Tuum impulisti, quò securi-  
tatis, clauso intus dolore, Domum Tuam bene ceptis consolari vo-  
luisti. Stetit Nauigium hoc in Augustissimo Austriae flumine, ab  
Austro pulsus; cuius littora, victrices nuper iterum Laurus orna-  
uere, Augustissimo LEOPOLDO I. Romanorum Imperatori, re-  
lictam sobolem vt commendaret: sed & Nouisti Clementiam au-  
gustam, commendatione literarum Serenissimi ac Inuictissimi Prin-  
cipis IOANNIS III. Poloniarum Regis, virtutem magni Patris  
Tui, honorificè præmiandam esse. Venisti tandem in tripudiantes  
Sarmatiæ oras, Nauimq; Tuam Gentilitiam extensis virtutum  
Tuarum velis illuc promouisti, vbi ex ILLUSTRISSIMÆ Parentis Tuæ  
Anchoris Gentilitijs, fulciri ad perennitatem maximè possit. Opti-  
mus hic vitæ progressus est, quem spes iuuat & ostendit, summa  
felicitas, quam post fessas sæpe curas Nauita, ex fluctuum vndis  
ad littora habet; nihilq; dulcius est, quam securitas vitæ & labo-  
rum: Hanc, & hos optimis accepisti prælagijs, relictis vbiq; vir-  
tutum vestigijs: Et quomodo continuabis? licet auguriū ex Genti-  
litijs Tuis Insignibus non haberes; Orbem ex Antecessorum me-  
ritis & sanguinis commendatione testem habes. Ingens sollicitu-  
do & laboriosa intentionis desiderium, cogit sæpe non nullos, ter-  
ras ha-

ras habere in notitia, illarumq; quibus gaudeant & honorentur scire in hominibus prærogatiuas; quas tamen, raro quis in suas delicias tulit; licet gloriosissimo effectu, cum Columbo & Pisardo, orbem sit dimensus. Quid enim iucundiùs vel ad vitæ famam gloriosus est? quàm vel visa dicere, vel audita narrare! quæ certè quemquam tum non postremè commendant, cùm adstantium animos stupore in se, attonitos trahunt. Tales habes ante Te in Nominis Tui Panegyrim, quos vel ILLUSTRISSIMA DOMUS IOANNELLIANA plenis ubiq; signis meritorum, sibi deditos habet, quos, vel sola Nominis fama perstrinxit. Et in quæ terrarum decora incitârunt alios A QVILÆ, in illa Te GENTILITIA Tua prosperrimè asportauit; in quod Gloriæ iter duxerunt alios; in id Te inuitauit, sola commendatione sanguinis; quam Italæ Germanicæ Sarmaticæ oræ reddunt commendatiorem. Nam si vellem Consanguineos splendores Tuos in Orbis faciem dare, aut tantum de ILLUSTRISSIMA DOMO Tua in publico sentire; quantum Tibi ex magno Sanguine Decus prouenit; ingenio quidem & eloquio deficiente, sola non nisi superesset voluntas, quæ in maximo lucro poneretur; si saltim à longe Tui Gentilitij splendoris venerari possit Maiestatem. Circumstat Te omnis decor gloriæ sed maximus ille, qui ab Orbis sacro fastigio venit; in quo potestatem vices Diuinas in terris agente, supplicii cultu admiramur.

Debet certe Tibi famam suam & gloriam uirtutis mercedem Domus IOANNELLIANA Tuos ante pedes prouoluta, Gloria Nominis Christiani, Orbis Auguste Protector & Pastor INNOCENTI XI, Pater Beatissime. Quid non & spem omnem, quia Augustissimo Sanguini Tuo innexa, & veluti Naui uenusta, sub sereno sydere in felicem progressum posita est; qualem licet ante acta sæcula ex amplitudine meritorum suorum habuerit semper; modo tamen festiuorem præsentat: utpote à Tuis Gentilitijs Auib; insignitum. Vnde parùm est! à tanto temporum tractu, relictæ summa facinora metiri, parùm præclara, virtutum decora intueri; sola Nominis Tui adoranda Maiestas, quod, ætates in IOANNELLIIS fabricauère, hoc, in tanto Sanguinis Coronamento habet & præsentat. Quid si adoranda Tua merita, quibus orbem imple, pro docore tantæ Profapiæ, profundissimus animus edicere

inten-

intenderet ! commoda tot sentimus ; quot vitæ Tuæ beatissimæ  
spiritus, tot tutelæ & protectiones ; quot sanctas actiones, quibus  
dicere si licet, ponere si iubes, & si renuis, scit quod Orbis debe-  
at, vt Tui Nomini, hoc profundissimo cultu encomiasticum elo-  
quatur.

## INNOCENTIVS XI.

Christianorum Pastor & Pater,  
Orbis Atlas,

Petra, à qua mille Christianorū propugnacula pendent inconcussa.

Solicitudine animarum, & indefesso labore augendæ fidei

& Sanctæ Romanæ Ecclesiæ

Diui PETRI Vicarius, & Successor,

Iustè peragit ea omnia munera, in quæ successit,

iustiùs, quod tot Regnorum Prouinciarumq; animos

contra immanissimum Christianitatis hostem

strictè DEO in manubias ligauerit

Nomine & vita Innocens.

Pacem, inter bella quærere, quod iustum est, incenter proposuit,

ad cuius optatissimum desiderium,

euntibus, vt Pacem inueniant

quidquid Vaticanum habet, viaticum fecit.

Contra ferocissimam Orientalem Hydram

solum AQUILAS congregauit, & LEONES,

ad similes nimirum Suis Auitis;

cum quibus, inter triumphales Laurus sanctè processit,

vt DEO & Ecclesiæ

cui tripudia fecit,

à spolijs hostium, animos & animas lucraretur :

quales habet in augendo cultu DEI

infaciabilis.

Ad tot barbara bella, & Christiani Nominis persecutiones  
**Stabilis Ecclesiæ Columna**  
Etiam ultra Colossos magis adoranda,  
quia in viam Pacis proficiscentibus Serena  
etiam illos, Innocentissimo Lumine serenare cupit,  
qui Christiani Nominis Coronamentum nocenter profanant:  
vt merito Orbis sciat & iudicet,  
quidquid à Sancto est,  
meritò cum **INNOCENTIO**  
vita & sollicitudine esse innocens.

Summus hic tantæ Maiestatis splendor in tot meritorum radijs serenus, si Orbem totum in gaudia clarissimis virtutibus illustravit & illustrat; quid non Domum hanc, cui genuinus est, serenat gloriâ suâ, & tanta adhuc Principis luce commendabit in spes lætiores? Pridem IOANNELLIANA decora, amplissimâ orbis æstimatione appretiata sunt; eo quod à longo seculorum tractu, summum gloriæ culmen tenuerint; ita enim ne deficerent in eminentissimo honorum gradu, prioribus incitata exemplis succedere vulerunt. Nam si feriem prærequirat dignitatum successio. ab altis venêre, alta molimina, magna Heroum Nomina, & per summa gloriæ euecta fastigia ab Augustissimis Sac: R. I. AQVILIS hucusq; ad lydera feruntur; quia semper Imperatorijs Maiestatibus, fidelitatem constantiæ veluti AQVILÆ velocissimimis alis, candido obsequio obsequebantur. Viuunt seculis magni animi, magna Domus huius decora, pulchris Antecessorum Tuorum insignibus per tot terrarum partes æstimata, quando commissas sæpe curas, plurimis occasionibus concreditas grauissimas inter rerum causas; quando commendata sæpe negotia, etiam inter periculosos, & volubiles fatorum casus; constantem in Cæsares fidem, intemperate zelo, spectatissimè & peregerunt, & notauerunt. Sollicitudo hæc ab antiquissimis adhuc prosapijs, per amplissima, rectæ vitæ fastigia in Antiquissima LONGOBARDORVM prosapia, semper miro labore perfecta est, ultra vt in itinere æuum pertingeret; in IOANNELLIOS sanguinis sui Successores, cedere voluit & incepit.

pit. Quanta laborum curarumue continuatio! novus vero & ar-  
dentior zelus, nouo suorum incitamento, seculum illud in suos co-  
egit exemplares labores; vt visis his, plurimi animarentur, v-  
nico instinctu DEVM & Cæsarem constanti zelo prosequendi.  
Dux plurimorum animorum labor iste & antesignanus, in hoc suæ  
inceptæ sollicitudinis rigore, tantum cum cæterorum inuidia &  
torpenti in Patriam negligentia bellauit; tantum, cum offensis  
boni publici animis certabat: vt hanc, in diligentissimos debiti vsus,  
hos in salutare, Reipublicæ commodum vinceret cogeretq;. Nec  
defuit itaq; Imperatorum Maiestas à suis, à quibus, cum & gloriam  
summam Diademata; etiam famam partiri consueuerunt, cum  
laudantur, lucem reddunt, cum illucescunt pretium, diuidunt; cum  
appretiantur. Experimentum tulit & habuit **BENEDICTVS**  
olim **IOANNELLI** Abauus Tuus, per oras Italiae, tam antiquis-  
sima Sanguinis commendatione, quam virtutum excellentia ce-  
lebris, & cum vetustam Antecessorum suorum operam, in publi-  
cum luculentius præberet, celebrior, quia à **FERDINANDO I.**  
Romanorum Imperatore, relictis optimis, uirtutum & meritorum  
signis, signatiorem, Insignium tulit dignitatem; eandemq; in velo-  
cissima **AQVILA**, Gentilitiæ **NAVI** suæ sociata, tanquam subli-  
mi virtutis suæ pretio; & **Binis GEMELLIS**, vno tanquam in per-  
uetusta familia semper Iuvene pro Patria labore; altero, veluti in  
se & suis Successoribus, recenti semper in Rempublicam gloriæ sti-  
mulatore hæreditauit. Succedit **Herculi Theseus**, **Cato Alter** &  
**Cigneæ ætatis SYLVESTER** olim **IOANNELLI** Sac: Cæsareæ  
Regiæq; Maiestatis Consiliarius Pro Avus Tuus, seculi illius Gēma,  
cuius pretium & æstimatio fuit, summus prudentiæ vigor, huma-  
nitatis gratia, Eloquentiæ suauitas, morum Comitatus, augendi dex-  
teritas, summa æquitas, frons boni rectiq; ; quæ omnia Augustis-  
simis Imperatoribus **MATHIÆ**, **RVDOLPHO**, **FERDI-**  
**NANDO II.** æstimata fuere; vt etiam inter grauissima ne-  
gotia, summo rerum agendarum pro Patria labore, maximam or-  
bis Principum Maiestatem delectarent. Toties amplissimis hono-  
ribus Domus hæc in continuo summorum virorum ornata succes-  
su, veluti in **Fabijs Patriæ**, plus quam sexcentorum numero fa-  
mosioribus, quatuor seculorum **Horatijs**, tot **Muttijs Cochitibus**, ad

hanc temporum felicitatem prouecta, & seculis duratura omnem  
famam præoccupauit, præoccupatamq; vel inter Gradiui ferreos  
labores, vel aurea Pacis fœdera, in suis Successoribus hæreditari-  
am reddidit & probauit. Fluctuabant sæpius priuatim degeneres,  
& in publicum exitiosi animi, qui nihil spei nisi discordiam, & flu-  
ctuantē hæretici erroris tempestatē intulerunt, illaq; Rempub: im-  
pellere, stabilem rerum conditionem ventilare, firmatam legibus  
præstantissimis, publicam salutem euertere conabantur; hos mo-  
derari oportuit attrahere, capere recalcitrantes, conciliare infe-  
stos, cohibere tumultuantes, impetus ratione frangere? Suppedi-  
tauit necessitas IOANNELLIOS! qui inter has decumanas ne-  
gotiorum procellas, dirigebant publicum bonum ad littora tran-  
quillitatis: vt omnes incredibilem, in modum visam depredica-  
rent æquitatem, & dexteritatem. Missis sexcentis alijs, recenti-  
oris æui nostri illud grande spectaculum, salutare Patriæ subsidiū  
Rara Avis ILLUSTRISSIMVS olim Dominus IOANNES ANDRE-  
AS IOANNELLI, Baro de Teluana, Comes in Carpengo &  
Morengo Ciuitatum Montanarum Camergratius, Augustissimi  
LEOPOLDI I. Imperatoris ærarium, Patriæ Achilles, non tan-  
tum quod veluti Maiæ Nepos cœlo delapsus, paciferas oleas pro-  
tendens, discordes sæpe animos ad vnionem ligauerit, sæpe vaga-  
bundas ciuium mentes leniter ad rectam viam duxerit, impetu-  
osos virium insultus, temperato iudicio euerterit & fregerit; sed  
quod immenso virtutum labore omne suum tempus eo duxerit, vt  
DEO & Patriæ prodesset, sæculis memorandus. Quid BENE-  
DICTVS Comes IOANNELLI non in mutis saxorum præco-  
nijs, sed hominum affectibus, nationumq; linguis adhuc loquens,  
quod Auritus ille etiam manibus Heros, eos iuuerit, quos sola ne-  
cessitatis visio commendauit; eos promouerit, quos virtutis cal-  
car stimularat: Nam vt Gentilitium suum Insigne, sursum erectū  
meritis prædicauit; ita animos humiles, egestate pressos humi ia-  
cere noluit; quin non attoleret. Duo illa Luminaria splendent  
lucidissimè, in reliqua hæc sua Sobole? in ILLUSTRISSIMO D. Comi-  
te & Barone CAROLO VINCENTIO IOANNELLI, Cre-  
mēsi Governatore, &c prudentiæ regula exacta, gratiosæ frōtis su-  
percilium, vultus amœnitas, rerum agendarum admiranda dexte-  
ritas,

ritas, tersissima linguæ & eloquij suauitas, cætera animi facultas, in fulgentissimæ stirpis claritudinem lucet; vt etiam plurimæ IOANNELLIANÆ AQVILÆ Phœbum veluti intueantur ad imitationem; quam, in virtutum suarum pulcherrimis radijs explicat, contra horridas inuidiæ tenebras clarissimam. In ILLUSTRISSIMIS Comitibus & Baronibus, IOANNE BENEDICTO pietas in DEVM, amor in proximum, fax splendidissima; in IOANNE PAVLO inexplicabilis Naturæ oraculum, Flos veluti Profapiæ odoriferus, qui cùm olet, fragrat ad gloriam, quorum reliqua factorum amplitudo, augusta veluti Phœnix, luce clarissima magnorum scilicet nominum immortalitatem in splendoribus occupabit; habebitq; à summis quibusdam ingenijs debitam adorem, quam iam plurimæ eruditæ mentes acuunt ad venerationē. Quid & PETRVS IOANNELLI I. V. Doct̃or, vitæ probitate & excellentiâ celebris, cuius consilia clarissima etiam ipsa fortuna veluti legis infalibilem terminum acceptat. Splendent & aliæ Celsissimæ Profapiæ, IOANNELLIANO SANGVINI carissimæ. Excellentissimorum MOROZINORVM Pompeiana fastigia, in Generalissimo Exercituum, gloriosæ Reipub. Venetæ, bello maxima Nomina; in Legationibus exteris aureæ facundiæ, & alia Celsissima gloriæ Culmina, quæ in copiosissimis Annalium paginis veluti in immortalibus rerum gestarum monumentis ad perennem memoriam sunt, & erunt consignata. Etiam à Sarmatiæ decoribus AQVILÆ Tuæ, sydera merentur, & gloriam ipsam sibi in perennitatis Censum trahunt obligantq; , quando non tantum Celsissimos volatus in maximis Familijs, at etiam in Gentilitijs inuenerunt Anchoris, quibus ILLUSTRISSIMA CATHARINA IOANNELLI Parens Tua, zelo DEI ardentissima, in Cæsarem fide litate constans, munere, in egenos, virtute quauis excellentissima, in prosperum falicitatis iter NAVIM Tuam, eduxit & firmavit; vt etiam ad gloriam omni ætate seruandam AQVILÆ à NAVIBVS prouocarentur.

Ad hæc Gloriæ fastigiata decora, alta molimina cedit Tuo Nomini præcelso Heroum Sanguine gloriosus, & inter firmissimas TRABES Patriæ Trabeatus GRYPHVS Tuus SPONSA ILLUSTRISSIMA: Coronamentum hoc, quod habet, pridem in

sublimi Prosapia Tua coronatus, Tuæ fert pulchritudini, virtutum  
elegantia, Tuæ roseæ mentis gratia, quâ **AQVILAS** ad amoris Tui  
Vinculum inuitasti, & ad tanti Sanguinis vnionem, commendati-  
one Nominis Tui vocasti. Quid non & aliorum stuporem in Tui  
venerationem, veluti vectigal quoddam Tuum traxisti? quod  
**Maiorum Tuorum** omnium splendoribus sis decorata imago.  
cùm enim eniteat ex frontis Tuæ supercilio, mentis generosæ de-  
licatus candor, ex ore alba lilia, visu nitor gemmeus, vultu omnis  
latitiæ symmetria? omnium habes animos intentissimos; vt Te  
ceu vnã ex **Gratijs**, in venustissimo Prosapia Tuæ **Parnasso** lice-  
at intyri: Aliud enim quid inquam augurari Tibi contigit, nisi  
quã vt & ipsa **Aquila**, Tuam præsentiam, Virginei pudoris ap-  
picem, dotem suaueuolentiæ, formam & animi pulchritudinem,  
qualem ab Antecessorum Tuorum fama præoccupasti, æstimarent.  
Splendet & amplitudo meritorum, Celsissimæ **PALACZAYANÆ**  
Prosopia, cuius decor iste maximus est, qui à tanti Sanguinis digni-  
tate in celsissimo gloriæ culmine emicat, & **GRYPHVM** Auitum,  
pro **DEO** & Patria vigilem, contra densos hostium impetus illu-  
strat; non tantùm, vt generosa splendoris oppositione multas fa-  
torum tenebras reuertat; sed etiam vt pro sanguine suo, clarissi-  
mos habeat Oratores. Si vero dignitates, quas gesserunt, negotia,  
quæ perfecerunt, loquerentur: semper loquens sæculorum memo-  
ria, in ipsa **Astra**, ferret incimentum laudis, annosq; sæculorum sus-  
ceptis pro Patria laboribus, sibi vectigales, in encomia redderet  
& obligaret. Expertæ toties indigentum necessitates, nouos **Tri-  
ptolemos**, beneficentiam largè lateq; spargentes, coluerunt in **PA-  
LOCZAYANIS** Nominibus, amicitia reclusa beneuolentiæ sacraria,  
nullis temporibus obserata; curæ & sollicitudines ambigentium,  
certissima oracula; necessitas fortunæ augmenta quæ omnia **PA-  
LOCZAIANVM** Sanguinem, ad omnem humanitatem compositum,  
ad omnem fauorem inchnatum, ad singularem gratia experienti-  
am, probatum, Patriæ veluti Decus quoddam, omnium virtutum  
facibus fulgentissimum reddiderunt. Præminentia **KAROLYANA**  
huic tantæ Prosopia, etiam ad cœli fastigia, in **Ternis PETRIS**  
**Gentilitijs** gloriam præsentat splendidissimam, In **ILLVSTRISSIMIS**  
**Comitibus**, **MICHAELE** olim **KAROLY** Patriæ aureæ pretio-  
so Ada-



so Adamante, ferreos etiam animos ad se trahente, ADAMO KAROLY hyacintho superum læticiæ nitores præsentante, LADISLAO KAROLY Comite, Sakmarien: Præsidiij Vice-Colonello, Carbunculo, ob Constantem animi magnitudinem, DEI zelum ardentissimum, Patriæ promotionem Sac: Cæsareæ Regiæque Maiestati, æstimato, Tauricæ & Scithicæ potentia formidando, barbaræ imanitati tremendo. Spectant ad hæc splendida fastigia, fulgentissimæ Insulæ Episcopales, summo in virtutum vertice auspicate; ESTHERAZIANA magnificentia, CZAKIANA antiquissimæ adhuc ex septem Hungariæ Ducibus Tauricana Capita repræsentans magnitudo; Inclinant se & alia Decora ab ipsis sæculis splendidissima, Illustrissimorum Comitum, Baronum, Magnatūq; Nomina ERDEODIORVM, BARKOCZYORVM, CZOMBORIORVM, & sexcenta alia Regni Hungariæ sublimia & excellentissima Culmina, Heroum amplissima series indefessa semper solitudine gloriæ copiosa. Effulget & enitet firma, perpetuaq; possessione virtutum meritorumq; tanta Hæreditas, nec capi potest termino; quin non perpetuâ factorum gloriâ terminetur. Pugnent sanè & militent aliorum pro Patria enses, teneant frangantq; hostiles impetus, ferrei thoraces, & quidquid Martius ordo habet in armorum viriumq; regula, pro communi salute quascunq; vigilas agat, armare certè tueriq; potest vnicus PALOCZAYANI Sanguinis GRYPHVS tantâ Heroum fortitudine coronatus. A Tuæ vero gratiæ hæc magna Nomina, & gloriæ summa excellentia præsentatur ILLUSTRISSIMA Domina Comitissa IVDITHA KAROLY, Lectissimæ Sponsæ Parens carissima, à Tuæ inquam lætitiæ, quam ex hoc Avium Vinculo, pennata fama excitavit, & in Tui CORDIS delictum cum solenni animorum plausu introduxit; à Tuo solatio, quod tantæ Sanguinis doti, æstimationem inueneris. Et perniciosissimas etiam Aquilas, in Tua fastigia ad NISVM Auiti sanguinis acceperis, cui, cum appareât in triplici Vertice pro decore; summa prudentia, morum suauitas, in omnes effusa humanitas prudentia, tollerantia, reliqua virtutum Tuarum & meritorum amplitudo; etiam AQVILIS perennem gloriam in summo spei Culmine & honorum facies præsentari.


Coronamento ergo, huius tantæ Vnitæ profapiæ, tot augustis


F

vtriusq;

utriusq; sanguinis Antecessorum manibus nexo, sola restabat SPON-  
SA Magni animi Tui & Cordis Corona SPONSE ILLUSTRIS-  
SIME. Parùm nimirum Tibi videbatur longo censi sanguine,  
stantes in curribus Æmilianos recensere, si Cor Tuum viuidum  
in alta molimina, sola vitæ necessitate detineretur, parùm Tibi  
esse dijudicasti; si AQVILAM Tuam solam, in stadium gloriæ  
fatigares. Parùm vidisti, si Tuas actiones, socius non iuaret a-  
mor. Pulchrum licet equidem honorari est; amari autem suauissi-  
mum! vnum ex Antecessoribus Tuis hereditate accepisti; alte-  
rum vt haberes, sollicitudo Tuam coëgit animum, ne reliquo scili-  
cet vitæ tadio, sine socio, absq; solatio, Tua viuendi desideria præ-  
se ferres. Certasti cogitationibus anxijis, etiam sublimia inuenisti  
nomina & Alis expansis in speciosissimam vitæ coronam GRY-  
PHVM accepisti. Iungite ergo amoris Vincula nullis seculis pe-  
remptura, è millibus electæ AVES, quæ omnium corda, vota, &  
desideria imò ipsa Fortuna ligauit. Viuite electa decora in splen-  
dore fulgentissimo & in vltiorem spem latitiæ, habete ipsam  
gaudiorum prosperitatem, felicissimis successibus semper floridam,  
semper conubio Vestro iucundam, quam ipsa Gloria, in  
his Epithalamicis plausibus prosperrimè fauentibus  
coeli superis, à Gentilitijs Insignibus Vestris  
perennem auspiciatur.







62  
P.

XVI. 23



624044 Bibliotheca 12000s.  
P.P. Camaldulensium in Bielany

Depozyt w Bibliotece Jagiellońskiej



06956

us djo  
com. & prac.

Lect. 1. Noct. de  
fer. Dua Miss. C.  
com. prac. & fer.

M A J U S.

17 Sabb: Monica Vid. &c. Vesp. de sequ. com.  
Domin. & preced.

18 Domin. 5. post Pasch. Erixi Reg Mart. dupl.  
9. lect. & com. Domin. CR. Credo dic. Vesp.  
Cap. de sequ. com. prac. item Domin. &  
S. ent. Virg.

J U N I U S.

19 v. Octava SS. Corporis Chr. In Vesp. com.  
sequ. & S. Silverij P. M.

20 vj. Aeschili Ep. Mart. dupl. (fuit 12. huius)  
9. lect. & com. S. Mart. CR. In Vesp. com.  
sequ.

21 Sabb. Ubaldi Ep. Conf. semid. (fuit 16. May)  
in hym mut. CA. Vesp. ut in ordinar.

22 Domin. 3. Dedicat. &c. In Vesp. com. Do-  
min. & sequ.

23 ij. Extra Crac. Vigilia, Venantij Mart. semid.  
(fuit 18. May) 9. lect. & com. Vigil. Dua Miss.  
CR. & Viol. Vesp. de sequ. sine comm.

J U L I U S.

6 Domin. 5. in. 5. post Pent. Octava SS. Apost. In  
Vesp. com. com. Dom. & sequ.

7 ij. Crac. Vena. Venantij Mart. semid. (fuit 18. May)  
CR. Vesp. à Cap. à Cap. de sequ. com. prac. Extra  
Crac. Mariæ Mariæ Magd. de Paz. Virg. semid. (fuit  
25. May.) CA. CA. Vesp. ut supra.

14 crac. Mariæ Mariæ Magd. de Paz. Virg. semid.  
(fuit 25. May) CA. Vesp. à Cap. de sequ. com. prac.